





Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
4888/A





Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
4888/A



Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
4888/A



Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
4888/A

4888/A

G v. Pel

46564

IACOBI PE-
letarii Medici &
Mathematici,

DE PESTE
Compendium.



BASILEAE, PER IOAN-
nem Oporinum.

IACOBI PELE-

TARII MEDICI ET MATHEMATICI, De peste Compendium.



A est in curanda uale tudine, ho-
minum securitas & negligenti-
tia, ut sepe quanto grauius est
periculum, tanto minus cautio-
nis adhibeat: uel omnino paucis, quibus ad ui-
uendum melius subducta ratio est, in mentem
ueniat prouidentia. Alioqui praestantius est im-
pendenti malo occurrere, quam ex praesenti
consilium capere. Pestilentia uero tantam ul-
tionem in genus humanum uidetur importa-
re, ut non solum non caueatur futura, sed etiam
praesens, animum a cogitatione salutis alienet:
& agros non tam facultate, quam spe remedij
desitutos; ad interitum rapiat. Quumq; cete-
ri sepe morbi nos exerceant ad sui cognitionem
inuestigandam, quod feliciorem operam ad cu-
randum nauare possimus: certe haec lues nos a
causarum disquisitione, propter morbi praeci-
pitationem: a signorum disputatione, propter
ipsorum euidentiam: deniq; a prognosticorum
ratiocinatione, propter exitij praesentiam ex-
cludit.

cludit. Quapropter de Peste scripturus, ea hoc loco prætermittam, quæ ab alijs ociosè perinde & copiosè tractata sunt: causas scilicet, signa & prædictiones: propterea quòd in hoc periculo nihil mihi propius faciendum uidetur, quàm ut remedium affratur: non secus quàm in domorum conflagratione, incendium omni ope extinguendum potius, quàm incendij auctor inquiri debet.

Possẽ equidẽ causam dicere, magnam illã et celebrẽ Saturni & Iouis coitionem, quæ ante tres plus minus menses ultimi Trigoni periodum cõfecit in Cancrì fine: Venerem à Ioue ad Saturnum proximè antè transiisse: hoc est, humidam & calidam constitutionem cum frigida & sicca commiscuisse, seu potius conturbasse: moxq; Martis & Lunæ diametro suum tetragonismũ interposuisse. Verũ ut nõ decet Astrologum, calamitatis publicæ significationẽ aliunde quàm è cælo petere: ita Medico id unũ incumbit, ut morbis, undecũq; ortum habeant (qui & ipsi omnes quippiã habent diuinũ, sicut Hippocrates grauissimè censuit) remedia exquirat, et exquisita primo quoq; tẽpore adhibeat, semper quidẽ, sed in hac potissimũ contagij tempestate, breuia & expedita.

Ea

DE PESTE.

Ea uerò duplicia existunt, Prophylactica
& Therapeutica: hoc est, tuentia & curatio.

Quæ cōmuniter à sex rebus non naturali-
bus petuntur: Aëre scilicet, cibo & potu, som-
no et uigilia, exercitio & quiete, inanitione et
repletione, animi affectibus. Propriè uerò ab
ijs quæ ueneno resistunt. Vtraq; pro compēdi-
ratione sic tractabimus, ut qui eam observatio-
nem sequentur, ij suæ incolumitati, Deo iuuan-
te, optimè consultum esse sentiant.

DE AERE.

IN aërem salubrem secedant, quibus per fa-
cultates & occupationes licet. Salubris ue-
rò aër nō is modò esse censetur, qui in editis et
amoenis locis est: quippe & is interdū è cœlo
labem habet grauiorem. Quod eo testimonio
constabit, quum pestilentia in ijs locis se uicrit,
quibus nulla malè affecti aëris nota aut suspici-
o inest: nimirum quæ à sentinarum & palu-
dum expirationibus libera sunt. Quo tempo-
re habitatio abstruso potius & depresso situ
querenda est. Etenim excelsa loca, ut calidio-
ri sunt & subtiliori constitutione: ita uitium fa-
cilius contrahunt, quum causa uniuersa pesti-
lentie fuerit. Quare intra parietes se contine-
re tutius est, occlusis fenestris: ædes undiquaq;
4 3 & su-

IAC. PELLETARI

Et supellectilem, maximè uerò cubilia, et uasa potulentis et esculentis destinata, magno studio repurgare: pecorum stabula procul habere, porcorum uerò imprimis. Columbaria fouere non est tutum: finum quippe columbinum adeò calidum esse compertum est, ut Solis radijs exardescat.

Quibus prædia suburbana desunt, ne prodeant in publicum. Qui uerò per rerum gerendarum occasiones multitudinem subire coguntur, ij periclitantur grauissimè. Atque eorum potissimum gratia publicè prouideri debet. Ignes itaq; in ijs publicis accendantur è Iunipero, Libanotide, Buxo, Sarmetis è uite, Myrto, Lauro, Lauendula: idq; non tam interdum, quàm crepusculo et diluculo. Domi fiant suffitus è thure, mastiche, ladano, benioin, stacte, santalis, xyloaloe, cortice citri, arantiorum, et tunica malorū suauium. Irrigentur pauimenta aceto, rosacea permisto: insternantur nymphae floribus, uiolarū, rosarū: quibus et lintea et pāniculi mūctorij perfundantur. Domū egresuri sumāt panis buccē succo mali punici, uel limonis, uel arantij, uel oxalidis madefactam.

DE CIBO ET POTV.

PANIS è tritico puro parari debet, præsertim

rim mundiōri uictui assuetis: plebeijs uerò & tenuibus personis. quibus id per facultates nō licet, duntaxat purum ē secali imperare possimus, probè coctū, atq; in primis aqua laudabili subactū. Vinum nō adeò generosum esse debet, neq; potēs: sed suaue, odorum: nō nouum, neq; dulce. Aqua si bibatur, ea sit pura ac limpida: ex puteo quidē, sed à lacunis & latrinis remotissimo. Laudo, si prius coquatur, aut in ea extinguatur ferrum, uel potius chalybs, uel argentū candens. Cibi condiūtur succis punici mali, citri, limonis, præcipuè uerò oxalidis. cuius etiā folia aquæ et aceto immersa, matutino sūpta, singulari auxilio esse experiētia docuit.

Salsamenta uitanda: omnia item azyma: placentarum, liborum et farciminum genera. Aues palustres: carnes ferinæ. Cæteri cibi pro hominum conditione usitati, probè parati edantur, nimirū aqua pura abluti, et uasis diligenter absterxis incocti, cum oleribus ad usum accommodatis, cichorio, boragine, buglosso, endiuiā, portulaca, lactuca, calendula, pimpinella: semper uerò oxalide. Quibus addi potest aliqd maioranæ, pulegij, hyssopi, saturciæ. Nā quæ calida sunt, cæteris pro uehiculo esse solēt. Reliquas olerū species non ualdè probo.

IAC. PELETARI

Sed quia brassicas apud multos uideo non posse è mensa excuti, quum tamen omnium minime bonæ sint: corrigantur aceto inter coquendum, et cinamomo uel nuce moschata inter edendū. Diuitibus pro arcano habetur aurum iusculis incoctum, aut candens in uino extinctum.

Ex fructibus, mora fugienda, et persica: uuae ipse dulces, nisi forte igni admotæ, uel aqua calida ablutæ et resiccatæ. Ficus recentes ex cinamomo, et salis tantulo, sumi possunt: sed parcè tamen, utpote humidiores.

DE SOMNO ET Vigilia.

Somnus diurnus imprimis noxius. Cuius tamen cupiditas si expugnari non possit, is procul à cibo ineundus, depositis calceis, loco ab inspirante aura protecto. Verum ut uitetur, extrema mensa edendæ sunt auellanae, et nuclei persicorum. Cauendum ab esu amygdalarum: eæ quippe caput opplent. Statim à cibo sumatur coriandrum præparatum. Maxime uerò uitabitur somnus, amici cuiuspiam colloquio: ludo aliquo facili et iucundo, non lucroso. Ante somnum nocturnum salubriter assumuntur aliquot grana, aut 3 mastiches probæ,

DE PESTE.

proba. Nam hæc corruptioni insigniter resistit.

Vigilia, quia corpus arefaciunt & debilitant, ob idq; ad noxas suscipiendas opportunum reddunt, nequaquam sunt producendæ.

DE MOTU ET

Quiete.

Corpus non uehementer mouendum, præsertim æstiuo tempore: sed quiescere omnino satius est. Hyeme labores quidẽ subeundi: sed matutino, quatenus non præter modum calefaciant, sed frigus tantum inhibeant, & corpus ab inertia uindicerent.

DE REPLETIONE ET

Inanitione.

Ciborum ingluuies pessima: nec multo minus uarietas. Ante cibum aluus exoneranda, facilitasq; deijciendi modis omnibus paranda: quippe qua nihil in sanitatis tuendæ ratione commendatiùs esse debet. Parcè cœnandum. Neq; fames, neq; sitis perferenda.

Pilulæ communes meritò inter familiarissimas purgationes sunt habendæ. Nam præter quàm quòd aluum mouent, qua facultate Aloe prædita est, etiam ob Myrrham, à putredine tuentur: ob Crocum, spiritus fouent & confir-

4 5 mant.

mant. Ex 3. aut 3. s. conficiantur pilule novem: quarum una sumatur primo die: tertio, tres: demum quinto, reliquæ. Atq; ea observetur distributio in septenos quosq; dies. Sūt qui contraria ratione, primo die quinque, tertio tres, quinto unam sumant. Vtut est, id unū agitur, ut ea sæpe quidem sint utendæ, sed eo modo, ne naturam nimio usu ad obediendū inertem reddant, et tan tē nullam ipse præstet alui deiectionē: quæ tamē hic potissimū spectatur.

Rhabarbari uerò, aut Agarici sumendi rationem, ociosum hic esset ascribere: multo magis Cassiæ, Mannæ, Sennæ, aut aliorū Catharticonum simplicium: nec minus compositorū Catholici, Diaphoenici, Diaprunis, electuarij & succo rosæ, et aliorū eius generis. Iis enim formularum descriptionibus scatent Practicorū, ut uocant, libri: sicut Clysterum, Syruporum, aliarūq; ad hoc cōparatarum compositionū.

DE ANIMI AFFECTIBUS.

A Nimi affectus prorsus moderandi, gaudium, moeror: maximè uerò metus, & iracūdia. Risus immodicus spiritus exoluit, & vires frāgit. Gaudio exuperāte, multos repente perijsse proditū est. Quinetiā effusa leticia
pro

præ securitate, animos à rectis cogitationibus auertit, & periculis exponit incautos.

DE VENERE ET
Balneis.

Venereorum usus, quum in omni sanitatis obseruatione mediocris, tum in hac præcipuè Prophylactice rarus esse debet. Lotiones ex balneis, & sudationes ex hypocaustis, fugiendæ. Atq; adeò multos sibi ab ijs repentinam mortem accersiuisse compertum est. Possunt abluī pedes decocto rosarum, foliorū uitis, adianthi, calēdula, florū chamæmeli. Tum optimè abstergēdi. Emissaria, ut alæ, inguina, partes aurium posticæ, fricentur lithargyro ex aceto tepido, cum tantillo benioin, uel stiracis, uel ladani.

Iam uerò quoniam alexipharmacis potissimum hæc lues oppugnatur, ea subijciam quæ & paratu facillima, & omnium tutissima sunt: omīssis ijs quæ multi, ne nihil de suo attulisse uiderentur, fortuito in remediōrū molem congesterunt. Et sanè uix quicquam est quod tam animum Medici distrahat, & ægri ipsius sanitatem impediat, quàm auxiliorum multitudo, nisi adsit iudicium.

Inter simplicia, habentur lectissima quæ
sequuntur.

12 IAC. PELETARII

sequuntur: Angelica, Imperatoria, Gentiana,
Inula, Carduus benedictus: cuius succus effica-
cissime sumitur cum saccharo, etiam pesti iam
corruptis. Ruta, prius uino aut aceto macera-
ta. Pimpinella item ex aceto, uel ipsius radix
ore retenta, unice prodest. Cortex citri, bac-
ce Iuniperi.

Posiūt ea omnia, uel aliqua ex ijs, maxime
ruta, pimpinella, carduus benedictus, simul
confici cum melle uel saccharo, in modum con-
diti, addito aceti tantillo, ut intro sumantur.
Alia in ore teneri solent.

Bolus Armenia, si uera est, optima est: ip-
sius scilicet \mathfrak{D} i cum conserua rosacea.

Topaxium lapidem uolunt tota facultate
uenenis resistere, adeo ut multo efficaciorum
esse existiment quam Theriacā ipsam. Admo-
uetur tuberculis, & uenenū ad se prolicit. nūc
appensum collo gestari imperant, nūc cibis im-
poni: nūc ore retentū, assiduo suctu prodesse.

Inter composita, Theriaca et Mithridatios
precipuum locum sibi uēdicant. Vtriusuis \mathfrak{D} i
cum conserua rosacea ieiuno datur.

Ex auro purissimo, serico crudo, & mar-
garitis integris & pellucidis conficitur regale
medicamentum. nam hæc tria mirū in modum

Spiritus

Spiritus fouent, illustrant, reficiunt.

Ac nescio cur hoc numero excemerint uulgatam illam commissionem, quæ habet: Rutæ folia uiginti, iuglandes nuces duas, & ficus totidem, cum tantillo salis. est enim diuturno usu probatissima. Cuius causas hic adij. erem. si id Compendij ratio ferret. Ea tamē cautio est, ut acris Rutæ sapor, aceto prius eluatur: præterea neq; ficus, neque iuglandes rancida fuerint. Atq; hæc de Prophylactice, pro Compendio satis sint.

THERAPEUTICA.

INfantulos lactentes si pestis inuascrit, tota curandi ratio ad nutrices dirigenda. Assidue circunlinenda papillæ succo oxalidis, uel pimpinellæ: modò ex saccharo rosaceo, modò ex manna, modò ex melle uiolaceo aut rosaceo. Adde puluisculum è bolo Armenia, uel è sigillo Lemnio. Nutrici imperetur uictus ratio, ex ijs quæ posterius docebimus.

Maiusculis uerò, & lacte depulsis, inditur glans ex betæ caule, addito oleo communi, uel uiolaceo. Tum tubercula, stupa quæ prius subacta sit, ne aciculæ molestæ sint, & decocto maluæ, lapathi, chamæmeli, meliloti madesacta & expressa, tantisper fouentur, dum uel discuti,

II IAC. PLEBTARI

discuti, uel suppurare coeperint: uel liuescere,
ut carbunculi. Hos uero dirumpit Scabiosa,
trita cum axungia suilla uetere.

Qui annum quartum egressi sunt, ijs statim
injicitur clyster ex decocto remollientium, cum
saccharo & oleo uiolaceo. Quinetiam ijs pului
sculi medicati, et epithemata adhibetur, non se-
cus quam gradioribus, qualia mox trademus.

Actate supra decimum annum prouectis
admouentur cucurbitulae: quinetiam secatur
uena pueris. Neque enim tam querendum est
que sit aetas, quam qui morbus, & quae uires.
Sed tamen in hoc malo non temere mittendus
sanguis, ne adultioribus quidem: sed tum de-
mum, si sanguinis redundantis indicia extite-
rint: alioqui sanguinis missio aegrum iugulat.
Nam malignitate materiae tota humorum mo-
les uitiata, uires imbecillas reddit: quae etiam
imbecilliores euadunt, sanguine destituta. Huc
accedit, quod putredo, sicut recte Galenus cen-
suit, non curatur sanguinis missione. lib. ii. c. 7
Metho. medendi. Ob id si sanguis redundaue-
rit, is erit mittendus: idque prima morbi inuasio-
ne, ante scilicet, quam in sanguinem altius as-
persa sit labes. Sanguis uero non confertim
mittendus: sed interuallis.

In Bu-

In Bubone primum malleoli uena secanda, ex eadem parte. In alarum tuberculis, secatur iccoraria, basilica uulgò dicta: uel media: uel quæ medio digito et annulari intercipitur. Si in superioribus partibus extiterint tubercula: humeraria, seu cephalica tūdēda. Quatuor aut quinq; unciarū modus est: & si iteratione opus sit, ea post sex aut octo horas fieri debet.

Catharticū primo quoq; tēpore exhibere, aut cucurbitulam amplā tuberculis admouere oportet: ne ad cor inuadat uis ueneni. Quod eo indicio percipitur, si tubercula repente euauerint, et ad interiora se receperint: quo tempore mors proxima est. Id uerò ne fiat, humor foras proliciendus est, stupa in ijs quæ præscriptimus, fomentis madefacta: nō spongia. Nam præterquàm quòd odore est iniucundo, plus æquo exiccat & calefacit: cutē densat, & spiramenta præcludit. Vena secta exhibetur uncie due acidi citri, uel limonū, uel ribes, uel oxycanthæ, uel succi mali punici cum aqua oxalidis, endiuie, cardui benedicti, uel tormētillæ.

Ad cerebri sensoria roboranda, fiat huiusmodi globulus. R. omnium santalorum, rosarum, florum uiolarum, nymphææ, amaraci an. ʒij. coriandri ʒs. cāphyræ ʒi, moschi gr. 6.

Teran

16 IAC. PELBTARII

Terantur in puluerem tenuissimum, & excipi-
antur tragacantho dissoluto in aqua & aceto
rosaceis. fiat globulus. Vcl puluis sacculo
includatur: atque id æstatis tempore. Hye-
me commiscentur, Ladanum, Stacte, benioin,
ambra.

Detur frequens liquor stillaticius vires in-
staurans, cochlearium duorum modo.

Adhibeatur sacculus illis puluisculis in-
sartus, addito spodio, schoenoantho, serico
crudo.

Epithema. R̄. aquæ buglosi, cardui be-
nedicti, melissophylli an. ℥ iij, aceti ℥ i. In qui-
bus infunde trochiscorum de camphura ℥ i.
cariophyl. ligni al. ros. rub. in puluerem reda-
ctorum an. ℥ iij. fiat Epithema, pro regione
cordis. Aestiuo tempore, pro aqua melisso-
phylli miscebis aquam rosaceam. Hyeme, pro
cariophyllis substitues corallum & marga-
ritas.

Cor di roborādo, sumetur huiusmodi syru-
pus. R̄. syrupi de succo oxalidis, de acido ci-
tri, de endiuia, an. ℥ s. aquarum buglosi, bora-
ginis, an. ℥ i s. misce. In quibus infunde per no-
ctem, Margaritarum pellucidarum, coralli
rub. boli Arm. in tenuissimum puluerem reda-
ctorum,

florum an. ʒ s. Tum facta leui expressione, detur in aurora.

Potest et hoc linimentū adhiberi. R. Theriaca optima ʒ i. succi acidi citri, & limonis an. ʒ s. coralli rub. se. ros. rub. an. ʒ s. cāphura, croci an. gr. iij. misceantur, & subigantur in linimentum, pro cordis regione, matutino & uespertino. Eiusmodi multa confici possunt, quæ inter Formulas autorum passim reperiuntur, non contemnenda, si iudicio & delectu adhibeantur.

Electuaria ad hoc institutum accommodata, habentur in officinis, Aromaticum maius, Diarhodon abb. Diamargarit. cal. & frig. Diamoschi, Diambre, Lætificās Galeni. Quibus admiscetur semen & cortex citri, semen cardui ben. camphura. Et concorporantur conseruis boraginis, buglosi, nymphæe.

Ex succis oxalidis, citri, arantij, limonum, omphacij clarificatis, possunt parari lulepi, tum ad sitim restinguendam, tum ad cor ipsum roborandum. In quo trochisci de Camphura, singularem habent usum. Quorum descriptio hæc est. R. rosarū ʒ i, spodij, santalorum omnium an. ʒ s. croci ʒ i. amyli, glycyrrhizæ, xyloal. cardamomi, coriandri an. ʒ iij.

b . cam-

camphura ʒi. sacchari candi, mannae an. ʒiij.
cum muccagine psyllij, aqua rosacea extracti
fiant trochisci.

DE VICTVS RATIONE.

Initio detur ius pulli, cum quo decocta sint
quatuor semina frigida, succus oxalidis,
pulpa cucurbitæ, hordeum, uua acerba: huicq;
parato adiiciatur succus limonis, citri, oxali-
dis, acetum, croci tantillum.

Potest parari iulepus ex iure ipso pulli, cū
saccharo cando: atq; huic itidem addi aliquis
ex succis superioribus. Pullorum pedes &
ale summe arrodantur. Exhibeantur testes
gallorum gallinaceorum iuuenum. Cibus in-
tingatur aqua rosacea & aceto, ad appeten-
tiam excitandam. Quæ quamuis nulla sit, ta-
men ad cibum ager cogendus est. Sæpe & pa-
rum edendum, acidis omnibus interiectis, ut
lenticula ex aceto, carnibus pulli, alaudarum,
merularum, turdorum, perdicum, ex succo o-
xalidis, punici, limonis, citri. A tenuiore ui-
ctu ad pleniorē est procedendum, contrā
quā in cæteris acutis.

Detur hordeatum cum saccharo rosaceo:
ius item glaciatum ex pedibus uitulinis, car-
ne capi, perdicis.

Vino

Vino interdicendus æger, nisi pleniore potu in uita sit usus. Tum uerò aqua ualdè dilutum dari debet. Aegro uinum petenti si pernegari possit, iubeantur eo ablui tempora, os, nares. A morbi statu detur uinum album, odororum, lene, cum quarta aquæ parte.

Somnus quidem altior letalis est. Sed tamē non prorsus inhibendus, sed horarum trium aut quatuor in dies singulos permittendus.

Ad lumbricos educendos. R̄. ramenti cornu cerui, corallinæ, seu musci marini an. ʒ i. Detur ex aqua graminis, aut tormentillæ.

Disrumpitur carbunculus Scabiosa cum axungia uetere, ut dictum est. Discusso admouetur unguentum è succo apij, plantaginis, absinthij, lapathi, melle rosaceo & farina hordei simul coctis. Tum terebinthina lota abstergitur.

Buboni ad proliciendam materiam adhibetur Theriaca cū succo Rutæ subacta, uel Theriaca per se: idq; sæpius faciendum.

Potest et adhiberi hoc. R̄. diachyli, ʒ i. s. amoniaci, galbani, an. ʒ s. Vniantur in emplastrum.

Causticum. R̄. fermenti, saponis, ficum, iuglandium uetustarum an. ʒ s. calcis ui-

b 2 uæ,

20 IAC. PELETARII

uæ, calchanti, id est uitrioli Ro. leuigatorum simul an. ʒ ij. Terebinthinæ quod sufficit. fiat emplastrum.

Aliud. Globulus crystallinus opponitur soli: cuius radij transmissi, uim causticam præstant absq; dolore.

Sarcoticum. R̄. pimpinellæ, uerbenacæ, betonicæ, semperuiui tertij, uulgò uermicularis, centaurij mi. an. M. s. coquantur in uino albo ad dimidiat. Expresso adde picis resinæ, cere, sœpi arietini, an. ʒ ij. Omnia simul coquantur, affuso lacte muliebri, dum absumpti fuerint succi. Tandem igne sublatis, ubi coeperint frigesce, adde resinæ terebinthinæ ʒ ij. massiches ʒ x. aloes probæ ʒ ij. Commisceantur rudicula, & fiat emplastrum.

Atq; hoc sit tum prohibendæ, tum curandæ pestis Compendium.

Ego uerò ut in hac temporis difficultate testatum faciam, me neq; publicè neq; priuatim hominibus dcesse uelle: subijciam usum medicamenti, omnium quæ hucusque in opere medico extiterūt, meo iudicio præstantissimi, sicut iam sæpe ac uariè expertus sum. Stibium dico, seu ut uulgò uocant, Antimonium repurgatum, à Gebero quondā memoriæ proditum;

ditum: cuius uerba ex Interprete hæc sunt, Antimonium calcinatur, dissoluitur, clarificatur, congelatur, teritur: est præparatum. Inde Theophrastus Paracelsus usum ipsius renouauit. Post illum multi Medicorum nostri temporis sese in eo parando defatigauerunt. Inter quos Mathiolus Senensis libro quinto in Dioscoridem, postquam insignes ac memorabiles aliquot historias de Stibij uiribus attulit, ipse parandi rationem tradit: sed quæ multos fefellit. Paucissimi enim scopum assecuti sunt: quin imò malè paratum exhibuerunt, parum felici successu. Ritè paratum mirabiles habet facultates. Rubicundum & pellucidum esse debet, instar Balaij. Nonnunquam in croceum uergit colorem. Id habet rarum, ac propè unicum, quòd minima quantitate maximos edat effectus: quòd non facile corrumpatur, etiam si in multos annos asseruetur: quòd nulla molestia sumatur, adeò ut pueris etiam quadrimis dari possit. Educt per uomitum, deinde per secessum: neque ulla uentris tormina excitat: uixq; alium humorem, quàm eum qui noxius est, aggreditur: & partem ferè corporis affectam, siue propinquam, siue remotam, petit.

Aduersus epotum uenenum, aduersus ip-

b 3 sam,

22 IAC. PELET. DE PESTE.

san, qua de agimus, pestem, nihil præsentius.
Curat capitis dolores antiquos, catarrhos, uen-
triciuli dolorem, & eiusdem imbecillitatem ab
humorum copia & malignitate ortam. Hy-
dropem, asthma, paralyfin, epilepsiam, quar-
tanam denique percurat. Quumq; morbus
nullus, ac ne Pestis quidem ipsa quempiam in-
uadat, nisi qui ob uitium aliquod interiùs ex-
terius ue impactum, noxæ suscipiendæ fuerit
opportunist: erit hoc medicamentum non mo-
dò ad præsentis morbos propulsandos, sed e-
tiam ad imminentes arcendos idoneum: ut re-
cte creditum sit, Stibio corpus humanum
non secus quàm metalla ipsa
repurgari.

F I N I S.





